

roys et retournant par l'hostel de Bourbon, il y eut vng homme ou laquais qui lui presenta vne lettre, laquelle lisant s'estoit vng peu tourné de cousté pour y mieulx veoir, et estant en ceste contenance, il vint vng coup d'arquebuse qui lui donna au bras tellement que vne des balles luy rompit l'oz d'vng bras, et fut blessé dudit coup en troys ou 4 lieux, et ainsi fut porté en sa chambre.

Depuys (1), le roy estant venu disner, vng peu aprez vindrent plusieurs seigneurs et gentilshommes de la faction dudit admiral, qui vindrent à la porte du roy avec pistolets et autres armes comme lon le racompte, et voulant entrer dans la chambre en furent refusez et voulant faire force se leua grand bruit, dont mons^r le cheualier frere naturel du roy commença à dire aux gardes et archiers que lon les repoussast, tellement que tous furent mys à mort, entre lesquels furent le comte de la Rochefoucault et son fils et plusieurs autres.

Cependant autres entrèrent en la chambre de l'admiral que lon pensoit de ses playes qui l'ascheuerent de tuer. Et le dimanche aprez qui fut le 24 dudit mois d'aoust, y eut à Paris vne grande et horrible tuerie ou vne infinité d'Huguenotz furent mis à mort. Aussi lon dict qu'il y eut quelques catholiques tuez pour n'auoir esté cogneuz, car la meslée fut si grande que lon ne se pouuoit congnoistre lung l'autre. Depuys, assauoir le premier jour de septembre lon escripuit à mons^r le Chantre que le Roy auoit declairé tout apertement et haultement qu'il ne vouloit en son roiaume que vne religion et qu'il vouloit veoir la fin des reuoltes, et qu'il avoit fait pendre à Montfaulcon vingt conseillers de la cour de parlement et deux presidents (2).

(1) Tout ce qui est ici en italique, a été ensuite biffé par l'auteur qui a mis en marge : *Cecy est menterie*. Ces faux bruits, que faisaient courir les auteurs de la Saint-Barthélemi, ne sont pas sans intérêt; c'était un moyen de justifier leurs atrocités et d'exciter le peuple des provinces à les imiter.

(2) Cette dernière phrase est biffée, Paradin en ayant reconnu plus tard la